



АКАФИСТНИК ПРАВОСЛАВНОЙ СЕМЬИ



о преодолении скорбей и взаимных обид
о мире между супругами
о супружеском неплодстве
о даровании семье дома
о замужестве дочерей
в заботе об устройстве сына
об успехах в учении детей
об исцелении от недуга пьянства

Андрей Б. Рогозянский
Акафистник
православной семьи

Текст предоставлен правообладателем

http://www.litres.ru/pages/biblio_book/?art=24866547

Акафистник православной семьи: Сатись; Москва; 2017

ISBN 978-5-7868-0006-8

Аннотация

о преодолении скорбей и взаимных обид о мире между супругами о супружеском бесплодии о даровании семье дома о замужестве дочерей об успехах в учении детей в заботе об устройстве сына об исцелении от недуга пьянства

Содержание

I. О преодолении скорбей и взаимных обид	5
Акафист Божией Матери пред иконой Ее, именуемой «Утоли моя печали»	5
Конец ознакомительного фрагмента.	25

Акафистник
православной семьи
сост. Андрей Рогозянский

По благословению

Митрополита Санкт-Петербургского и Ладозжского

ВЛАДИМИРА

Рекомендовано к публикации Издательским Советом Русской Православной Церкви

© Издательство «Сатись», оригинал-макет, оформление,
2001

I. О преодолении скорбей и взаимных обид

Акафист Божией Матери пред иконой Ее, именуемой «Утоли моя печали»

Кондак 1

Взбранное нам и дивное избавлѣние даровася, Твой образ честный, преблагословенная Дево Владычице Богородице, яко избавльшеся от злых явлением его и к нему взирающе, восписуем Ти благодарственная раби Твои, Богородице, но яко имущая державу непобедимую, от всяких нас бед свободи, да зовем Ти: Радуйся, Радосте наша, избави нас от всякого зла и утоли наша печали.

Икос 1

Ангел множество, и вся Небесная Воинства славят Тебе, Царицу всех Богородицу, Ты же исполнила еси радости души

наша милостивым явлением нам образа Твоего святого, Богоизбранная Дево Владычице. К нему же кланяющися, Тебе умиленная моления возсылаем, милосердому Твоему к нам заступлению со страхом зовуще таковая:

Радуйся, Отца Безначальнаго благословение.

Радуйся, Сына Превечнаго жилище.

Радуйся, Духа Святаго пребывание.

Радуйся, яко Тебе славят многоочитии Херувими.

Радуйся, яко Тебе похвальная приносят шестокрилатии Серафими.

Радуйся, яко Тебе вся Небесная Воинства величают.

Радуйся, яко Тебе вся колена земная Матерь Божию исповѣдуют.

Радуйся, яко Тобою вся вселенная веселия исполняется.

Радуйся, яко Тобою вся болезни наша исцеляются.

Радуйся, Твоими бо молитвами печали наша утоляются.

Радуйся, Твоими бо ходатайствы вся прошения наша исполняются.

Радуйся, яко Тебе и Сыну Твоему и Твоей честней иконе благодарно покланяемся.

Радуйся, Радосте наша, избави нас от всякаго зла и утоли наша печали.

Кондак 2

Видят Тя, Богоизбранная Отроковице, вся Небесныя Си-

лы предстоящу всегда Престолу Славы Небеснаго Царя и за Христианы к Сыну и Богу молящуюся, Небесная Царице; мы же, грешнии, на земли зряще Твою святую икону и к ней припадающе, Тебе радостно покланяемся, зовуще: Аллилуиа.

Икос 2

Разум подаждь нам, Всеусердная Предстательнице наша, Небесная Царице, из уст бо нас скверных, како мощно пети Твоему имени? яко благих еси нам Ходатаица, сильна еси вспомошествовати во всякой нами требуемой помощи, да Тебе со умилением зовем сице:

Радуйся, молитвы о нас к Сыну и Богу во утешение приносящая.

Радуйся, молитвами Твоими очи наша от вечнаго рыдания избавляющая.

Радуйся, Матерними Твоими молитвами Сына и Бога на милость к нам приклоняющая.

Радуйся, молитвами Твоими праведный на нас гнев Божий утоляющая.

Радуйся, ходатайствы Твоими грехи наша прощающая.

Радуйся, помощию Твоею страсти наша истребляющая.

Радуйся, предстательством Твоим временная наша скорби разрушающая.

Радуйся, во всяких бедах и нуждах нам помогающая.

Радуйся, славящих Тя всегда прославляющая.

Радуйся, радостию Твоею печали наша утоляющая.

Радуйся, непрестанное нам веселие подавающая.

Радуйся, нам райския двери отверзающая.

Радуйся, Радосте наша, избави нас от всякаго зла и утоли наша печали.

Кондак 3

Сила Вышняго осени Тя к скорому и тёплому заступлѣнию верно притекающих к Тебе и честному Твоему образу поклоняющихся, еди́ней бо токмо Тебе, Нетленней и Пречистей Богоматери, даде́ся дар всякое благое наше прошение исполня́ти, и едина Ты можеши нам помощи, елико хочеши. Тем всяк возраст славословит Сына Твоего и Бога нашего, зовѣ́й: Аллилуиа.

Икос 3

Иму́щи богатство милосердия неоскудное, всем концем земным простираеши руку помощи и подае́ши боля́щим исцеление, страждущим ослабу, слепым прозрение и всем вся по своей их потре́бе исполняеши. Мы же Тебе благодарно сице поем:

Радуйся, едина Мати, милосердие нам являющая.

Радуйся, милости сокровище многоценное нам открывающая.

Радуйся, безчисленные щедроты всем подавающая.

Радуйся, слово премудрости просящим дающая.

Радуйся, преспеяние разума юным подавающая.

Радуйся, раны наша греховная истребляющая.

Радуйся, праведных в райских селениях насаждающая.

Радуйся, отчаянным будущих благ Надеждо и Укрепление.

Радуйся, всех падших скоро к благодати возставляющая.

Радуйся, всем во всякой требуемой от Тебе помощи помогающая.

Радуйся, Радосте наша, избави нас от всякаго зла и утоли наша печали.

Кондак 4

Бурею многих бед одержимым нам всегда помогаеши, Небесная Царице, с верою прибегающим к Тебе и поклоняющимся цельбоносней Твоей иконе, ейже первописанней иногда рекла еси: “С сим образом благодать Моя и сила”. И мы истинно веруем, яко послушаеши прошения призывающих имя Твое святое и Сыну Твоему зовущих: Аллилуиа.

Икос 4

Слы́ша Господь Твоя на Небеси о нас ходатайства, избранны́я Палáто Духа Святаго, исполняет Твоя прошения, мы же грешнии на земли, видевшие святую Твою икону, яко светозарное солнце нам светящуюся, Тебе яко Божией Матери дерзаем глаголати:

Радуйся, солнце мысленное нам являющая.

Радуйся, светом немерцающим нас просвещающая.

Радуйся, умерщвленных нас грехами оживляющая.

Радуйся, неплодным матерем ложесна разрешающая.

Радуйся, нечаянно находящих на нас злых врагов скоро прогоняющая.

Радуйся, желаемых благ всегда нас наслаждающая.

Радуйся, скоро в бедахив печалех нас утешающая.

Радуйся, верую имя Твое призывающих от нечаянных смерти спасающая.

Радуйся, на Тя уповающим бесконечный живот дарующая.

Радуйся, веру и любовь к Тебе имущих к Небеси возводящая.

Радуйся, Предстательство наше крепкое.

Радуйся, во всяких обстояниях нас защищающая.

Радуйся, Радосте наша, избави нас от всякаго зла и утоли наша печали.

Кондак 5

Боготѣчную звезду, честнѹю Твою икону Ты нам показала еси, Владычице мира, к ней же зряще и верою сердѣчною молящися, Тебе, Богородице, глаголем: Ты еси нам щит непобедимый и стена неоторимая, вопиющим Ти: Аллилуиа.

Икос 5

Видеша Силы Небесныя на руку Твоею Создавшаго Своима рукама человеки и Владыку разумевающе Его: мы же грешнии на земли зряще изображенную Тебе Пречистую Матерь Его, любезно Свои рѹце к нам простирающую, к Тебе умильно зовем:

Радуйся, на руку Твоею Огнь Божественный неопально держащая, Имже грехи наша поपालются.

Радуйся, на руку Твоею Света Неприкосновеннаго носившая, Имже дѹши наша просвещаются.

Радуйся, врагов наших видимых и невидимых побеждающая.

Радуйся, любовь и милосердие к нам являющая.

Радуйся, рѹце Твои в поручение о нас к Богу приносящая.

Радуйся, вход в Царствие Небесное нам отверзающая.

Радуйся, Твоею помощію нас защищающая.

Радуйся, Твоим ходатайством грехи наша прощающая.

Радуйся, Твоим молением печали наша утоляющая.

Радуйся, яко Твоим предстательством всяких благ наслаждаемся.

Радуйся, яко Тобою вся во благих желанья наша исполняются.

Радуйся, Радосте наша, избави нас от всякаго зла и утоли наша печали.

Кондак 6

Проповедницы Богоноснии апостоли, по Вознесении Господни, при освящении храма Твоего невидимою рукою изображённый шаровными подобии на стене обрётше образ Твой, Владычице, рожденному от Тебе Богу воспеша: Аллилуиа.

Икос 6

Возсияла еси премудростию от истиннаго Солнца правды, Богоизбранная Отроковице, и, лучи истиннаго Богоразумия испущаючи, теми освещаеши всех верою исповéдающих Тя истинную Матерь Божию быти, вопиющих сице:

Радуйся, всех на Небеси славою Твоею просвещающая.

Радуйся, начало человеческого спасения устрояющая.

Радуйся, ковчѣже жизни на́шей, от потопа смертнаго нас сохраняющий.

Радуйся, в райских селениих жити нам дáрующая.

Радуйся, Предстательница наша к Богу, мир спасающая.

Радуйся, в беда́х сущих скоро заступающая.

Радуйся, всякия болезни человеческия, телесныя и душевныя, исцеляющая.

Радуйся, немым и косноязычным словеса отверза́ющая.

Радуйся, всякаго блага просящим у Тебе Подáтельнице.

Радуйся, учение благодати всем источáющая.

Радуйся, тем всякий чин и возраст довольно улаждающая.

Радуйся, всех благия желания исполняющая.

Радуйся, Радосте наша, избави нас от всякаго зла и утоли наша печали.

Кондак 7

Хотя́ долготерпеливый Всевидец Господь явити Своего человеколю́бия и щедрот бездну, избра́ Тебе Себе в Матерь, милости неисчерпа́емый Источниче, да аще кто праведным судом Божиим осуждения досто́ин, Твоим всемо́щным ходáтайством сохранён будет и Сыну Твоему и Богу нашему велегла́сно зовет: Аллилуиа.

Икос 7

Дивна показал еси дела Твоя в Пречистой Матери Твоей, Господи, и дивну даровал еси нам Ея икону, паче лучей солнечных просвещающую людей, яко Самую зрящих Богородицу, и верую сердечною от души любовью вопиющих такова:

Радуйся, икону Твою на земли, яко облак всем распростиральная.

Радуйся, тою паче надѣяния милосердное к нам заступление являющая.

Радуйся, Твоею иконою источники чудес всюду источающая.

Радуйся, явлением Твоея иконы вся люди просвещающая.

Радуйся, тою новое знамение благодати в Церкви являющая.

Радуйся, яко, на икону Твою взирающе, Самой Тебе, истинней Богородице, поклоняемся.

Радуйся, иконою Твоею, яко столпом огненным, мрак греха отгоняющая.

Радуйся, тою печали наша утоляющая.

Радуйся, Церковь освятившая тоя явлением.

Радуйся, яко мы грешнии сохраняемся Твоим заступлением.

Радуйся, вретнице скорби нашей растерзающая.

Радуйся, вечною радостію нас одевающая.

Радуйся, Радосте наша, избави нас от всякаго зла и утоли наша печали.

Кондак 8

Странну и преславну в Церкви явльшуюся, святую Твою икону Ангели воспéша, апостоли прославиша, лик святителей поклонишася, мы же грешнии, припадающе, ожидаем Твоея великия и богатыя милости, с веселием вопиюще: Аллилуиа.

Икос 8

Всеми вышними и нижними владычествуй Господь, видев Тя Матерь Свою всегда предстоящу Ему и со умилением Ему приносящу моление о нас грешных, обеща исполните вся прошения Твоя. Мы же грéшнии, надеяся на Твоя Матернія о нас молитвы, благодарственная Тебе приносим сице:

Радуйся, с Сыном Твоим и Богом вечно царствующая.

Радуйся, Емуже всегда о нас моления приносящая.

Радуйся, всех к Тебе прибегающих Твоею милостию покрывающая.

Радуйся, всех Радосте, печали наша утоляющая.

Радуйся, примирение наше с Богом соделавшая.

Радуйся, Бога и человека соединившая.

Радуйся, спасение человеческое устроившая.

Радуйся, прародительного греха клятву разрушившая.

Радуйся, смертное наше естество безсмертием просветив-

шая.

Радуйся, жестокость сердца нашего умилившая.

Радуйся, отчаянных к Богу возводящая.

Радуйся, сосуды смертныя, на нас уготованная, сокрушившая.

Радуйся, Радосте наша, избави нас от всякаго зла и утоли наша печали.

Кондак 9

Все естество ангельское похвальныя песни приносит Тебе, Божией Матери и Заступнице всех припадающих Тебе и просящих Твоея помощи, яко твердым и крепким Твоим предстательством праведных веселиши, грешных заступаеши и от бед избавляеши, и печали утоляеши, и молишися о всех верою зовущих: Аллилуиа.

Икос 9

Ветия многовещанная, яко рыбы безгласная, недоумеют

хвалити славный, Владычице, иконы Твоея праздник, ниже от скверных устен наших приносимыя Ти похвалы достойны, обаче неисчетныя благодеяния, иконою Твоею нам являемыя, видевше, душою и сердцем радуящися, Тебе глаголем:

Радуйся, от глада нас хлебом жизни питающая.

Радуйся, от губительства смертнаго безсмертием нас соблюдающая.

Радуйся, от труса греховнаго нас сохраняющая.

Радуйся, от потопа смертнаго рукою Твоею крепкою нас избавляющая.

Радуйся, от огня росую молитв Твоих нас восхищающая.

Радуйся, от бед сильным Твоим предстательством нас защищающая.

Радуйся, от меча силою Твоею нас охраняющая.

Радуйся, от нашествия иноплеменник нас спасающая.

Радуйся, от междоусобныя брани истинным миром нас ограждающая.

Радуйся, от смертноносныя раны прибегающих к Тебе исцеляющая.

Радуйся, от належащаго праведнаго прещения Божия Твоим молением нас свободжающая.

Радуйся, от всякия нас язвы Твоим честным ходатайством изымающая.

Радуйся, Радосте наша, избави нас от всякаго зла и утоли наша печали.

Кондак 10

Спасти хотя род человеческий от прелести вражия, Человеколюбец Господь Тебе, Матерь Свою, дарова земным на помощь, глаголя: “Сынове челове́честии, се Мати Моя Покров и Прибежище вам да будет, печальным Утешéние, скорбящим Радование, обидимым Заступнице”, да всех из глубины греховныя воздвигнет, вопиющих: Аллилуиа.

Икос 10

“Царю Небесный, – тако молит за ны всегда Небесная Царица, – приими всякаго человека, славящаго Тя и призывающаго Имя Твое, идеже бывает память Святому Имени Твоему, и прославляющих Мя Имене Твоего ради, и не отрини их от лица Твоего, но благоволи в них и приими от них всякое моление, и всех от бед избави”. Мы же грешнии, надеющиеся на Твоя Матерняя молитвы, зовем сице:

Радуйся, яко Ты молитвенница наша к Богу тёплая.

Радуйся, яко Матерняя Твоя молитва много может, Владыку умилоствляющая.

Радуйся, отчаянных Надеждб, печали их утоляющая.

Радуйся, благодатию Твоею наше недостойнство осиявающая.

Радуйся, нашу скверну чистотою Твоею очищающая.

Радуйся, моления наша благоуханием Твоим исправляющая.

Радуйся, брѣние наше тленное в нетлѣние обращающая.

Радуйся, неможѣние наше врачующая.

Радуйся, вся наша болезни душевныя и телесныя исцеляющая.

Радуйся, нашедший на нас облак страстей, скорбей и печалей скоро разгоняющая.

Радуйся, сильным Твоим прошением вся полезная дарующая.

Радуйся, Радосте наша, избави нас от всякаго зла и утоли наша печали.

Кондак 11

Пение всеумилѣнное прими от нас, Небесная Царице, и молитву, приносимую Тебе, Дево Богородице, услыши: к Тебе бо в напастех, скорбех и печалех прибегаем и пред Тобою в бедах наших слезы проливаем, и молим: утоли наша печали, и прими сию жертву Твоих рабов, зовущих: Аллилуиа.

Икос 11

Светопріѣмная свеща истиннаго Света сущих на землі

явльшиися, дѹши просвещаети чтѹщих Твоея иконы явлѣние
и к разуму Божественному наставляеши, поющих Ти сице-
вая:

Радуйся, свещѣ неугасимая огня невещественнаго, нас
просвещаящая.

Радуйся, зарѣ незаходимаго Света Божественнаго, нас
озаряющая.

Радуйся, Солнце правды, нас облистающее.

Радуйся, источник жизни райския нам источающая.

Радуйся, Мати Света истиннаго, благочестивых души
просвещаящая.

Радуйся, Мати всех Бога, озлобленных всех дѹши утеша-
ющая.

Радуйся, Тя на помощь призывающих и имя Твое славя-
щих спасающая.

Радуйся, уповающим на Тя живота непостыдный конец
дарующая.

Радуйся, всем родом, Тя Матерь Божию почитающим и
Богородицу именующим, непрестанно помогающая.

Радуйся, осенением святя Твоея иконы злых духов меч-
тания от нас прогоняющая.

Радуйся, во внезапных на нас находящих скорбех и печалех
скоро нас утешаящая.

Радуйся, всему миру радость дарующая.

Радуйся, Радосте наша, избави нас от всякаго зла и утоли
наша печали.

Кондак 12

Благодать Божественную испроси нам у Небеснаго Владыки Сына Твоего и Бога, и простри нам руку помощи, и молитвами Твоими утоли наша печали, покрый нас кровом крилу Твоею, отжени от нас всякаго врага и супостата, умири нашу жизнь, да не погйбнем люте, но приими нас в вечныя кровы, Покровительнице наша, да радующесе Тебе зовем: Аллилуиа.

Икос 12

Поюще Тя, державную Помощницу, хвалим Тя и, молящесе Тебе со умилением, веруем и исповедуем, яко испросиши благая временная и вечная воспевающим Ти:

Радуйся, молитвами Твоими весь мир спасающая.

Радуйся, всю вселенную ходатайством Твоим заступающая.

Радуйся, православным на варвары победы подавающая.

Радуйся, нашествия на христианы иноплемённых побеждающая.

Радуйся, в вере благочестивыя сохраняющая.

Радуйся, непочитающих иконы Твоя святыя, яко прах от лица земли развевающая.

Радуйся, поклоняющимся иконе Твоей и Тя на помощь призывающим, и в печалех бедствующим скоро помогающая.

Радуйся, нас грешных ко спасению и восприятию благ вечных наставляющая.

Радуйся, безконечного царствия у Сына Твоего и Бога нашего всем нам испрошающая.

Радуйся, верным безконечную жизнь дарующая.

Радуйся, всем во всякой потребе вся полезная и благая подавающая.

Радуйся, Радосте наша, избави нас от всякаго зла и утоли наша печали.

Кондак 13

О Всепётая Мати, Небесная Царице и Владычице, Дево Богородице, рождшая всех святых Святэйшее Слово, нынешнее приёмши приношение, утоли наша печали и избави нас от всяких напастей, бед, скорбей и вечнаго осуждения, и грядущаго изми мучения, и сподоби нас рабов Твоих в вечных райских селениях водворитися, зовущих: Аллилуиа.

Этот кондак читается трижды, затем 1-й икос: «Ангел множество...» и 1-й кондак: «Взбранное нам и дивное избавление...»

Молитва

Дева, Владычица Богородица, паче естества и слова родившая Единородное Божие Слово, Творца и Владыку всей видимой и невидимой твари, Единого от Троицы Бога, Бога и Человека, соделавшаяся обителию Божества, вместилищем всякой святости и благодати, в котором, по благоволению Бога и Отца, при содействии Святаго Духа, телесно обитала Полнота Божества, несравненно превознесенная боголепным достоинством и преиму́ществующая пред всякою тварию, Слава и Утешение, и неизреченное веселие Ангелов, царственный венец апостолов и пророков, преестéственное и чудное мужество мучеников, Поборнице в подвигах и Подательнице победы, уготовляющая подвижникам венцы́ и воздаяния вечныя и боголéпныя, превысшая всякой чести, честь и слава преподобных, непогрешительная Путьеказательнице и Наставнице безмолвия, дверь откровений и духовных таин, Источнице Света, врата вечной жизни, неистощима́я река милосердия, неисчерпаемое море всех боголéпных дарований и чудес, Тебя просим и Тебя умоляем, сострадательнейшую Матерь человеколюбивого Владыки, будь милостива к нам, смиренным и недостойным рабам Твоим, воззри благосéрдно на пленение и смирение наше, уврачу́й сокруше́ния душ и телес наших, разсе́й видимых и невидимых врагов, буди для нас, недостойных, пред лицом врагов

наших крепким столпом, бранным оружием, сильным ополчением, воеводою и непреоборимою Поборницею, покажи ныне на нас древняя и чудная милости Твоя, да познают беззаконнии врази наши, что Сын Твой и Бог един есть Царь и Владыка, что Ты воистину Богородица, родившая по плоти истиннаго Бога, что все Тебе возможно, и чего ни восхощешь, Владычица, имеешь силу все сие совершить на Небеси и на земли, и на всякое прошение даровать что кому полезно: больным здравие, сущим на мори тишину и доброе кораблеплавание.

Конец ознакомительного фрагмента.

Текст предоставлен ООО «ЛитРес».

Прочитайте эту книгу целиком, [купив полную легальную версию](#) на ЛитРес.

Безопасно оплатить книгу можно банковской картой Visa, MasterCard, Maestro, со счета мобильного телефона, с платежного терминала, в салоне МТС или Связной, через PayPal, WebMoney, Яндекс.Деньги, QIWI Кошелек, бонусными картами или другим удобным Вам способом.